

«Сўнгра мана шунга амр қилиндим», дедилар» деган зиёда бор.

Бешовларидан фақат Термизий ривоят қилмаган.

Шарҳ: Ҳадиснинг ровийси Абу Масъуд розияллоҳу анҳу билан олдин танишганмиз.

Ҳадиси шарифда Пайғамбаримиз соллаллоҳу алайҳи васаллам Аллоҳ таолонинг фарз қилган намозлари бешта эканлигини, ҳаммасининг алоҳида-алоҳида ўз вақти бор эканлигини таъкидламоқдалар.

Ушбу ҳадисдан олинадиган фойдалар:

1. Жаброил алайҳиссалом Пайғамбаримиз соллаллоҳу алайҳи васалламга имом бўлиб, намоз ўқиш тартибини ўргатганликкари.
2. Янги намоз ўқувчига биладиган одам бирга ўқиб, кўрсатиши афзаллиги.
3. Ҳар бир намоз ўз вақтида алоҳида ўқилиши.
4. Намозни ўз вақтида ўқиш Аллоҳнинг амри эканлиги.

Бу ҳадисда ҳар бир намознинг вақти алоҳида эканлиги умумий равишда айтиб ўтилмоқда. Бундан бошқа вақтда бир неча намозни ёки бир намознинг вақтида бошқасини ўқиб бўлмаслиги ҳам келиб чиқади.

«Ҳадис ва ҳаёт» китобидан